

DIAMARS 7 NOVEMBER 2000

Presentacion di e buki nobo "Mi prome diccionario"

ORANJESTAD (AAN): Diahuebs venidero lo bay tin presentacion di e buki nobo na Papiamento pa mucha yama "Mi prome diccionario". E buki bunita aki, ful na color, ta scirbi door di señora Aurita Meenhorst-Arends cu ilustracion di señor Sidney Gunsam y ta un edicion di Seccion Desaroyo di Curiculo di Departamento di Enseñanza. E presentacion lo tuma lugar di 7 'or pa 8'or di anochi na Biblioteca Nacional na Playa. Durante e anochi festivo aki, lo bay pasa un video tocante e proceso di desaroyo di e buki aki, pa asina duna un idea di e trabao envolvi ora di publica unobra. Minsitro di Enseñanza, señora Mary Wever-Lacle, lo bay ta presente pa e ocasion special aki.

Ademas lo tin bautismo di e buki "Mi prome diccionario" y presentacion di e grupo musical Tipico Hubenil Santa Cruz. Tambe lo bay tin oportunidad pa cumpra e buki na e prijs rasonabel di Afls 25,00 y pa haya firma di e autor y ilustrador. E presentaicon ta tuma lugar net un dia prome cu e apertura di e Festival di Buki, caminda tambe lo bay tin atencion tanto pa e diccionario ilustrativo mencionada, como pa otro publicacion na Papiamento. Un y tur ta Bonbini.